

乾隆東安志

陳寶泉題



序

古者郡縣皆有圖籍記事載言表列人物與其山川風土之所宜使爲政者得有所觀覽從事故甚要且重哉余爲令畿南蓋古安次地始至之日挾掌於獄訟錢賦方懼無以爲理久之稍暇思考其地俗而求良有司之昔涖乎此者蓋將奉以爲資顧簡籍缺逸年歲甚遠自康熙十六年至今已七十載矣於是慨狀興嘆夫東安故大邑前代以來號稱麟昌況我

國家教化滋浹日月廣深加夫賢大臣董導勸率勤勤以撫柔興起爲意而使一縣之書湮墜脫落後來者雖欲徵考而莫由豈非爲令者之責哉於是謀所以脩之延徵士周君西序與邑中文學生相與網羅散佚而討訂焉既檢舊帙知邑志始明邑令阮公而鄭公繼之踵其事者則本

朝李公大章王公士美自是而後無聞焉余益慨夫爲吏能知所尚之難古人每致意於儒者以文學詩書緣飾吏治夫吏治之要即不盡係乎志志在而一邑之事備或指爲不急而因任苟且聽其無有成書余則何敢乃不辭媿陋勉而

爲之既竣事得若干卷誠不敢謂有裨於東安也顧以余承人之而是役終不
之舉余於當官得毋媿乎若夫其人與事湮沒者多訛漏貽譏或所不免世有
博雅君子幸能進而教之則尤余之心也夫

乾隆十四年歲次己巳三月朔文林郎知東安縣事山陰李光昭書

序

歲戊戌余與李君少逸同學戢山君下帷汲古有聲坵壇而於各史天官與地疆域山川以及人物循吏諸志傳無不辨析同異攷鏡得失盡讀有用之書以待他日施諸政績雷園唐師早即目爲異才凡同門數十輩皆驚嘆爲弗可及也然君益用是摩厲思蹕蹕春秋二試以自表見數奇屢躋場屋始由州倅遴赴北河疏濬隄防數年奏績開府方伯監司以下皆器其能薦章屢上乾隆甲子春

皇上召見乾清宮命知東安縣事東安爲畿輔劇邑漢屬渤海郡舊名安次雄霸南鄰燕雲北控而渾河浩淼湍激迅駛號稱難治君下車五年政簡刑清河流亦復順軌簿書暇披閱邑志知

皇朝自邑令李大章王士美侯應封以來雖遞加修纂而譌闕尙多因仍不改且文亦未澤於古君即慨然曰是吾責也蕭山家阮西序與君有尹班之好具書幣聘裁志事西序嘗應博學宏詞科典籍該洽出其緒餘梳櫛而膏潤之

而君復加釐訂其書簡嚴精潔無論突過武功縣邑即如顧夷吾之記山川
劉道真之記錢塘鄠道元之注水經孔靈符之著地志與夫唐元和郡縣記
宋淳祐咸淳臨安諸志亦駁駁乎足與比肩而並立矣戊辰秋仲君寓書屬
余弁簡端余不文何足爲志重而追憶三十年前風雨山齋一燈連榻所穿
穴史書而務爲有用之學者今且得展所蘊於治東矣繼自今能以一邑推
之凡興廢舉墜徵文考獻判邪正以示勸懲訓仁讓以厚風俗其即以此志
爲嚆矢也夫

賜進士出身

御試博學宏詞

誥授朝議大夫

日講官起居注翰林院侍講學士加二級年家眷同學弟周長發拜撰

圖目

縣境全圖

文廟圖

新河渠圖

八景圖


略

成圖

縣治圖

略

舊河渠圖



東安縣志目錄

山陰李光昭潛巖甫手訂

卷之一

天文志

星野

地理志

形勝

沿革

疆域

卷之二

建置志

城池

官廨

倉庫

廛市

村莊

卷之三

學校志

廟制

廟位

祭法

義學

藏書

祀典志

壇壝

廟祠

卷之四

巡幸志

駐蹕

恩蠲

卷之五

賦役志

戶口

卷之六

賦役志

田賦

附剝船莊田里馬河淺

卷之七

賦役志

解支

稅課

驛遞

鹽政

卷之八

風物志

風俗

物產

卷之九

機祥志

機祥 附災賑

卷之十

職官志

縣令

佐貳

師儒

武備

卷之十一

選舉志

甲科

武科

文官

武選

貢薦

例貢

儒士

佐雜

卷之十二

選舉志

封爵

廕襲

卷之十三

人物志

名宦

廉行

卷之十四

貞烈志

貞操

卷之十五

鄉賢

隱逸

忠節

仙釋方伎

孝行

義行

烈節

河渠志

河渠

堤堰

橋梁

卷之十六

古蹟志

古蹟 附八景

塚墓

坊表

寺觀

卷之十七

藝文志

詩

卷之十八

藝文志

詩

賦

卷之十九

藝文志

奏疏

卷之二十

藝文志

列傳

卷之二十一

藝文志

碑記

卷之二十二

拾遺志

拾遺

誌銘

舊序

東安縣志目錄終

凡例

一志乘所載

詔諭有特立一條冠於卷首者今分載各款俾隨事觀省庶幾是訓是行無虞隕越耳

一舊志載天文九條今增訂一十一條共二十條略加詳備

一舊志形勝在沿革疆域之下似屬倒置其他款項錯雜者悉爲更正至八景舊載形勝內今附入古蹟條下

一舊志沿革總爲一篇不分眉目今自黃帝始迄於前明每代各爲一條使眉目井井易於披覽

一舊志祀典與寺觀並列殊屬不倫社稷山川風雲雷雨守土之常祀也其他有功德於民者則祀之爲民捍災禦患者則祀之一切道院梵宮不在此列

一東安田賦款項不一今詳加分晰各標原委以便考覽

一志中如職官選舉人物等條分別款項各爲首尾尾後留空以便續增此凡志所同也

一人物內所附著者如邱民仰之附名宦韓紹芳李繼本許復禮之附鄉賢是也有新增者如忠節隱逸是也有彼此複見者如程式之分載孝義李侃之分載孝廉是也

一名宦鄉賢及忠孝節義凡舊志所有者未敢過爲區別一仍其舊善善欲長也

一列女內有青春守節蓋棺論定無力請旌者據紳士採訪察核不誣亦得例書焉

一東安平原沙磧既無名山亦鮮勝蹟舊載八景或名存蹟毀或牽強湊合殊無佳致今更定七景初非好爲新奇會心者遇之目前賞之象外而已
一舊志中文義淺陋有全刪者有節存者有略潤者彼此校閱黑白自見幸質高明或不以爲謬妄耳

一卷末拾遺凡所見所聞不忍遺棄薈而萃之使缺軼於前者附存於後可以參觀而互見也

一舊志無縣境八景諸圖今俱爲增入河渠他志俱無專圖不知尋源竟委疏導隄防必須了若列眉方可求之指掌至渾河遷改靡定數十年間滄桑屢易土著之民詢其本來面目幾同魚鳬蠶叢豈不可慨余更置二圖新圖以載現在河流舊圖以存昔日形勢後有考古者或可援以爲據耳

